

## Социалистическ дөрлдәнд авсн даалгъвран лавта кўцәхмн

Хә өсгльгъиг болн ноосна гарциг цааранднь мкдүлхин туск социалистическ даалгъвриг кўцәхин төләд Восточн МЖС-н механизатормуд кўчничидлән нөл уга Хар газрт өвс хуралгънд кōдлдж йовцхана.

Өвснә хадлгънд йовцхах тракторн бригадсин ик зунь кōдлмшин норман кўцәцхәнә. Улгүрнъ, 1-ч номертә бригад (бригадирнъ ұр Маяцкий Алексей) джилә зурагъан 100 процент кўцәв. Эн бригад кōдлмшин сән ұзмдж ұзүлдж кōдлдж йовна, бийсдән даалгъсн машиндән, хамг зер-зевән цеврәр бәрнә. Бригадт кōдлдж йовцхах Губарев Виктор, Маяцкий Николай өдрин даалгъвран данъгин 200 процент кўргдж кўцәцхәнә.

Уурмуд Сормовин, Чумакин, Манкаевин, Михалевин бригадс өвснә хадлгънд сәнәр кōдлдж йовцхана.

Советск Союзин Коммунистическ партин Центральн Комитетин 1-ч сегләтр ұр

Хрущевин илгәсн йөрәләр омг авсн 4-ч бригадин трактористнр Малолкин, Ерин, Сапронов өдрәннъ даалгъврумудан хойр-гурв холвдж икдүлцхәв. Өвс хадлг гурвн шалгъта машигъәр өдрин 50—60 гектар газрт өвс хадна.

Восточн МЖС-н өвснә хадлгънд йовх 12 бригад цеврцер, сарул вагоста, цевр орта-дертә. Бригад болгънд радиоприемник бәәнә, дакад шатр, дөбв, доминос бас бәәцхәнә. Агитатормуд тасрхан уга кўүндвр кецхәнә, газетс умшдж өгцхәнә, боевой листовкс тасрхан уга гаргъцхана, ұзмджин доскс бас бәәнә.

Восточн МЖС-н партийн организац болн дирекц, Алдр Октябрьск революцин 40-ч

өбнд һерәддж өвс хуралгъна туст авсн социалистическ даалгъвран болзгтнъ дарг уга кўцәхәр зүткдж йовцхана.

Э. ШУГРАЕВ.

КПСС-н Восточн МЖС-н зональн сегләтр.